



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
**GJYKATA SUPREME E KOSOVËS**  
VRHOVNI SUD KOSOVA – SUPREME COURT OF KOSOVO

---

20 dhjetor 2021

**C-IV-14-5044**

*Ankuesi*

**Lj J, L Serbi.**

**Kundër**

*E paditura*

**Agjencia Kosovare e Privatizimit**, rruga “Agim Ramadani”, nr. 23, Prishtinë.

**Për: Palët**

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtari Sylejman Shumolli, me 20 dhjetor 2021, lëshon këtë:

**A K T V E N D I M**

- 1. HEDHET POSHTË si e pa pranueshme, Ankesa kundër Vendimit të Autoritetit të Likuidimit të AKP-së.**
- 2. Nuk caktohet taksë gjyqësore.**

**Rrethanat faktike dhe procedurale**

Me 02 korrik 2014, ankuesi parashtrroi ankesë kundër Vendimit të Autoritetit të Likuidimit, PRZ002-0270 të datës 22 maj 2014, me të cilin i ishte refuzuar kërkesa për kompensim për paga të pa paguara. Ankesës nuk ia ka bashkangjitur kopjen e vendimit të kundërshtuar.

Me 15 shtator 2021, gjykata lëshoj për ankuesin urdhër dhe vërejtje për të dorëzuar Vendimet e AKP kundër të cilëve e ka ushtruar ankesën dhe për ta paguar taksën gjyqësore, duke e njoftuar ankuesin se nëse brenda 15 ditëve nuk i dorëzon vendimet e kundërshtuara ankesa do të hedhet poshtë si e pa pranueshme ndërsa nëse nuk e paguan taksën gjyqësore, ankesa do të konsiderohet e tërhequr. Po ashtu ankuesi është njoftuar se mundë të parashtrrojë prova shtesë në mbështetje të ankesës së tij.

Me 15 tetor 2021, ankuesi e ka paguar taksën gjyqësore për ankesën e parashtruar.

### **Arsyvetimi ligjor**

Ankesa e ankuesit hedhet poshtë si e papranueshme.

Neni 74.2, i Ligjit Nr.06-L-086 të Dhomës së Posaçme të Gjykatës Supreme të Kosovës për çështjet që lidhen me Agjencinë Kosovare të Privatizimit (në tekstin e mëtejme Ligji për Dhomën e Posaçme), përcakton:

*Çdo kreditor i Ndërmarrjes i cili ka dorëzuar me kohë kërkesën në Agjenci dhe i cili cenohet nga një vendimi i Autoritetit të Likuidimit mund ta kundërshtojë vendimin e tillë, duke parashtruar një ankesë në Dhomën e Posaçme kundër Agjencisë brenda tridhjetë (30) ditëve pas pranimit të vendimit. Çdo ankesë e këtillë duhet të bazohet në pretendimin se procesi i likuidimit nuk është kryer në pajtim me Ligjin për Agjencinë Kosovare të Privatizimit. Ankesa duhet të jetë në pajtim me kërkesat e paragrafit 2. të nenit 27 të kësaj shtojce dhe të bashkëngjisë një kopje të vendimit ndaj të cilit është ngritur kundërshtimi.*

Nenet 33 dhe 35, të Ligjit për Dhomën e Posaçme, ndër të tjera rregullojnë parashtrimin e kërkesave përkatësisht ankesave dhe nisjen e procedurave në Dhomën e Posaçme. Neni 35.2 më tej përcakton se çfarë duhet të përmbaj një kërkesë apo ankesë.

Neni 36.2.2.5, i Ligjit për Dhomën e Posaçme parasheh që:

*Një kërkesë/ankesë është e pranueshme nëse:  
kërkesa/ankesa është parashtruar në pajtim me nenin 33 të kësaj shtojce dhe është në përputhje me dispozitat e nenit 35 të kësaj shtojce.*

Neni 36.2.2.6 i Ligjit për Dhomën e Posaçme parasheh që:

*Një kërkesë/ankesë është e pranueshme nëse:  
është bashkëlidhur edhe një kopje e aktit juridik kundër apo ndaj të cilit është paraqitur kërkesa/ankesa.*

Në kuptim të këtyre dispozitave, gjykata vjen në përfundim se ankesa duhet të dorëzohet në gjykatë së bashku me vendimin e atakuar të Autoritetit të Likuidimit, brenda afatit 30 ditor pas pranimit të vendimit. Në këtë mënyrë, dorëzimi i vendimit të atakuar nga ankuesi është një kriter i pranueshmërisë së ankesës përkatësisht mosdorëzimi i këtij vendimi nga vet ankuesi, e bën ankesën e tij të papranueshme.

Megjithatë, gjykata i ofroi edhe një mundësi ankuesit për ta plotësuar këtë kusht të pranueshmërisë, ashtu që nëpërmjet urdhrit të saj të datës 15 shtator 2021, i kërkoi ankuesit, dorëzimin e vendimit të atakuar të Autoritetit të Likuidimit dhe pagesën e taksës gjyqësore, brenda afatit të përcaktuar në atë urdhër. Ankuesi/familjari i saj, urdhrin e ka pranuar me 30 shtator 2021. Ankuesi e ka paguar taksën gjyqësore por nuk e ka dorëzuar vendimin e kundërshtuar, ashtu siç është urdhëruar nga gjykata.

Pra, meqenëse ankuesi dështoi në përmbushjen e kërkesës sipas urdhrit të gjykatës për të dorëzuar kopjen e Vendimit të kundërshtuar të Autoritetit të Likuidimit, kjo e fundit vendosi të hedh poshtë ankesën e tij si të papranueshme.

Për këtë në pajtim me nenet 36.1, 36.3 dhe 74.2 të Ligjit për Dhomën e Posaçme, Ankesa kundër vendimit të Autoritetit të Likuidimit të AKP-së, hedhet poshtë si e papranueshme.

### **Shpenzimet gjyqësore**

Në bazë të nenit 62.5 të Ligjit për Dhomën e Posaçme secila palë do ti mbulojë shpenzimet e veta. Ankuesi e ka paguar taksën gjyqësore për ankesën e parashtruar.

### **Këshillë juridike**

Kundër këtij aktvendimi mund të parashtrohet ankesë me shkrim në Kolegjin e Apelit të Dhomës së Posaçme brenda 15 ditëve nga pranimi i këtij aktvendimi. Ankesa duhet të dorëzohet në bazë të nenit 9.6 të Ligjit për Dhomën e Posaçme.

Sylejman Shumolli  
Gjyqtar